



www.BibleForChildren.org




Juan 14



Túttimah, Jesús jwiít dih nin pah ã niijíp jĩ: “Bütéh wã niijátdih náhninit, ñi jĩgahca bojoó. Wã ípdi h tui jenah joinít, weemdíhbut biíc yoobó ñi tui jenah joyoó. Wã íp ã j̄m̄ɛpboó dawá j̄mat pínah m̄ɛnã ã j̄m̄na caá. Pánihna, caanná j̄ibínit, ñi j̄mat pínahdih ámohodih wã bejbipna caá.”



“Wã naáwát pah biíc yoobó ã wihcah, páant yeebdíh wãta niíj naóhcan tagaá. Yeéb ñi jumat pínahdih túi ámoh péanit, yeebdíh ɁbɁdih wã jwúɁb dei jũóhbipna caá, wãjeéh ñi jumat pínah niijná.”



Weém, Juan, Jesúih jumna, ñi weép jeñé panihni
caá. Yeéb yeejép ñi yapat pah, weembút
Jesúih túini doonádih wã naáwát jíib

yeejép wã yapna caá.
Ñi cádahcat pah,



weemdíhbut ĩ yéej
chãjachah yuhna,
Jesús ã teo wáacatjĩh
caandíh wã
cádahcan caá.




Caán Jesús jwiít nihat jwĩ Maáh ã jɯmna caá.
Dios naáwátdih Jesucristo ã naóh yapaatjidih
wã bohéát jíib Patmos wũt jɯmni


qewaboó ĩ yohni
wã jɯmna caá.




Páant ã niijíchah joinít, Tíini Espíritu ã wēpat
weemdíh búdí ã j̄m̄t̄chah, caanná wã rúth laáb
j̄ibína be. Caanná rúth laáb j̄ibína, Maáh
chúdnidih wã enep be.




Túttimah, bitabut ĩ wēi ewechah, wā joyóp be. Nihat
Dios ā chājniti japmant moón, nin baác dih moón,
búdí māj dih moonbút, báadhnit,
wənnitbut, nihat biíc dih nin pah ĩ
niij wēi ewep be: “Meém jwĩ
Maáhdih, Oveja Wūúhdihbut
yeéb chénewā dih
jwĩ túi wēi
eona caá.”




“Túinit yoobát caá. Chah wēpnit
caá’, jwĩ niijná caá. Yeebdíh
páantjeh niij wēi naáwát caá
náahap”, ĩ niijíp be.



Weém, Juan, Jáap Jerusalén Dios pebhmant ã dei
jũúwúchah, wã enep be. Téihya chéonih pínah túini
yéguéh d̄monít, mi áa pínahdih jwãáádih jũúwát dée
pah túi jígozni ã j̄m̄ɛp be.



Caandíh wã enechah, Maáh ã chũudɔrɔmant nin pah
ãí niíj wẽp naáwáp be: “Ñi eneé. Bɛɛ jwɛh caá Dios
cãacwãjeéh jɔmna caá ã chãjar, bɛca. Íjeéh jɔmna,
ãihwã yoobát ĩ jɔmɛchah, caanjéh ĩ Maáh ã
jɔmbipna caá.”



Túttimah, báadhdani mujdih caán ángel weemdih ã
júttur be. Caan muj tui muj mac baabni, Dios, Oveja
Wũúhbut i chũudurmant noój jãáj jũóhni ã jutur be.



Dios, Oveja Wũúh biíc dih ã yeh iigátjĩh caán tútchi ã túi baabáp be. Páni hna, yeodíh widhdihbət ã náahcap be.



Yeejépbodíh caán tútchina ã ɯb bejcan niít. Ded yéej
chãjnit, yeenitɯt, caán tútchina ã jéih waadcán niít.


Oveja Wũúh ã bíbohni
papélah tólihboó ã
wũtnadih daácniťeh
caán tútchina ã
waadbípna caá.



“Queétdih ã weñanachah,
jĩgahatbət ã wihcan niít. Yéejat
wihcah, tɔbatbət wihcah, ĩ jwúɔb
wɛncan niít. Tɔba jɛñát wihcah,
wɛn jɛñátbət ã wihcan niít. Nihat
jon jãtih yeejép ã jɛmatji ã
bɛɔdáh bejer be”, ã niijíp be.



Caán tútchiboó “Caán ã túican caá”, Dios ã niijní ã
wihcan niít. Caán tútchidih Dios, Oveja Wẽúh biíc dih ã
chúudat ã jumbipna caá. Pánihna, nihat caán tútchidih
moón queét pebh bódicha
caj yoh ñajnit, búdí ã
wẽibipna caá. Queét
Diosdih ã míic jwãáh
enbipna caá. Ìih
móot jũhñadih
ãih wũt daácnit
ã jumbipna caá.



Oboh jumnitji, i maatabut wunnitji jwub boonit, Maah pebh i ñhuchah, wa enep be. Búdí mejboó bænditji, baácboó bænditjibut boo pud jũóh nit queét ñh nit i jumep be. Caanjih i ñhuchah, caán Maahboó ã daácni ji papélah tólihnadih ã watap be.

Caán tólihna cáacwã ded pah i chãjatjidih ãtát daácji taga.

Túttimah, bih tólihdihbut


ã watap be. Caán

tólihboó Jesúsdi h


jepahnitji h

wũtnadih ã daácni


ã jumep be.




Pánihna, caán tólihnamant en péanit, ded pah ĩ chãjatji
jĩib ã peéh chãjap be. Pánihna, Dios ãihwãdih ã wũt
daácni tólihboó det ĩih wũt wihcannitdih peéh chãjnit,
iiguípna ã yohop be. Páant iiguípna ã yohnitboó jwúub
wɛnnit panihnit ĩ jɛmɛp be. Pánihat
túttimah, chéneji jwúub wɛnat
ã wihcan niít, bɛca.



Túini Espíritu “Ma jwúub dei jũúwú”, Jesúsdih ã niijná caá. Jesúíhwã ã téihya chéonih panihnitbüt, “Ma jwúub dei jũúwú”, ĩ niijná caá. Nihat nin wã daacát dih joinítbüt “Ma jwúub dei jũúwú”, Jesúsdih ĩ niijí naáh.



Taca joónit, mahdih ĩ babhbat pah, Jesúsdih ĩ jepaha
naáh. Caán mah, báadhdat túttni mah ã jumna caá.
Pánihna, Jesúsdih jepahnitdih jíib náahcanjeh, jeáboó
ãjeéh páantjeh ã jummat túttnipna caá.



Dios nihat cáacwãdih búdí ã oina caá. Pánih
búdí oina, queétdih ã peéh chãjat déedih
túi ɸbat túɸt niijná, weém ã wũúh biíc
jɸmnidih ã wah deyanap jĩ. Páant ã
wahachah, det weemdíh jepahnit
iiguípna bejnit déeji Diosjeéh
páantjeh ĩ túi
jɸmbipna
caá.



Romanos 3:23 Yéejnit míic jumna, jwiít nihat jwĩ yéej chãjna caá. Jwĩ túi chãjat pínahdih Dios ã jwíih jenah joyátji pah biíc yoobó jwĩ chãjcan caá. Dios ã túyatdih yuúp jwĩ jumna caá.

Romanos 6:23 Nindih jwiít dih túi náhníat caá náahap: Jwĩ yéej chãjat jíib, iiguípna bejnit pínah jwíta jum tagaá. Obohjeéhtih, jwĩ Maáh Jesucristo jwiít dih ã wɛn wũhatjidih túi jenah joinít, caandíh jwĩ jepahachah, jwiít dih ãjeéh páantjeh Dios ã jummat túutbipna caá. Pánih túi chãjna, jwiít dih ã jíib náahcan níit.



Hebreos 9:27 Nihat cãacwã biíc láajeh jwĩ wɛnna caá. Páant jwĩ wɛnat túttimah, túinitdih, yeejépwãdihbut Dios ã ñíobipna caá, yeejépwãdih peéh chãjat túut niijná.

Efesios 2:8,9 Cristodih jwĩ túi jenah joyóchah, Dios búdí oi teo wáacni jumna, jwiít dih ã túi ɛbna caá. Nindih ñi túi náhninaá: Ded pah jwĩ túi chãjachah yɛhna, jwiít míicjeh jwĩ jéih túi ɛbcan caá. Obohjeéhtih, Diosboó jíib náahcanjeh jwiít dih ãt túi ɛbɛp taga. Dedé jwĩ túi chãjat jíib nihcan, jwiít dih ãt túi ɛbɛp taga. Pánihna, “Wã túi chãjat jíib weemdíh ãt túi ɛbɛp taga”, ded ã jéih niijcán caá.



Romanos 10:9,10 Pánih bohéna, nin pah jwĩpĩ niij naóhna caá: Det Dios biíc dih tui jəmíhna, “Jesús wã maáh caá”, niij naóh nit, “Dios caán wənnijidih ãt jwúəb booanap jĩ”, ĩ niij jenah joyóchah, Dios queét iiguípna bejnit déejidih ã tui əbbipna caá.

Jesús dih jwĩ tui jenah joí jepahachah, Dios jwiít dih “Nit tui nit caá”, ã niij enna caá. Pánihna, “Jesús wənniji jwúəb boo pəd jũóhni jəmna, ni hat cãacwã ĩ maáh ã jəmna caá”, bita dih jwĩ niij naáwáchah, ã tui əbnit jwĩ jəmna caá.



Juan 3:16,17 Dios nihat cãacwãdih búdí ã oina caá. Pánih búdí oina, queétdih ã peéh chãjat déedih túi ÷bat tút niijná, weém ã wũúh biíc j̄m̄nidih ã wah deyanap j̄. Páant ã wahachah, det weemdih jepahnit iiguípna bejnit déeji Diosjeéh páantjeh ã túi j̄mbipna caá.

Dios cãacwãdih yéejat peéh chãjat túttna, weém ã wũúhdih nin baácboó ã wah deyacap j̄.

Obohjeéhtih, iiguípna ã bejat déedih queétdih wã túi ÷bat pínah niijná, ã wah deyanap j̄.



1 Juan 5:11-13 Nin pah Dios jwiít dih ã niij jéihyana caá: “Wã wũúhdih túi jenah joinít, páantjeh wãjeéh ñi jɛmbipna caá”, ã niijíp jĩ.

Dios wũúh Jesúsdih ded túi jenah joiní, Diosjeéh páantjeh ã jɛmna caá. Obohjeéhtih, ded Jesúsdih jepahcanni, Diosjeéh ã jɛmcan niít.

Yeéb Dios wũúhdih túi jenah joinít dih naóh daácna caá wã chãjap, páantjeh Diosjeéh ñi jɛmat pínahdih ñi jéihyat pínah niijná.



Juan 14; 2 Corintios 5; Apocalipsis 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Cacua Bible (cbv) © 2004, 2008, Wycliffe Bible Translators,
Inc. All rights reserved.

<https://www.bible.com/en-GB/bible/777/MAT.1>

©2024 Bible for Children, Inc.

www.M1914.org

www.bibleforchildren.org

